

comparari debet, oportet partes cum partibus componere, v. g. Mesaraicas cum radicibus. Cum enim trahant alimentum ex intestinis, non secus ac radices è terrâ, 4. part. 4. cum his etiam non cum ramis conferri debent. Hinc sequetur, ut truncus seu caudex dicatur, ramus tantùm Mesentericus. Ut enim, postquam ex radicibus, in unum collectis, factus est truncus, dividitur in ramos aliquot majores, quin rursus in minores, & hi iterum in minimos: ita de vena hac fit.

2. Ducitur à Rami splenici ortu, qui est à vena portæ, non autem ab hepate.

Hoc meliùs intelligitur ex antithesi Galenica. Ramus hic non potest vehere excrementum id, quod Gal. nobis pingit. Ipsomet enim dicente, Coctio fit, non in portis hepatis, sed in hepate ipso. At ramus hic substantiam hepatis ne forinsecus quidem attingit. Non solùm autem attingere debebat, sed & substantiam ipsius ingredi, si quidem eandem rationem cum poris choledochis habet. Et ingredi, non uno stomacho tam lato, ut ipse describit splenicum s, us. part. 6. sed non secus ac in vesica, quæ de sensu Gal. est *airis pollicis*, poris multis & angustis, per substantiam hepatis quaquaversum dispersis, ut terra hæc ex omnibus hepatis angulis conquiri possit, & cogi denique in unum, quemadmodum fit de bile. Quod